

Direktor preduzeća

Broj:101-1380-1/25 ME

Datum: 03.02.2025. godine

Na osnovu člana 26. i 27. Statuta Javnog preduzeća „Vodovod i kanalizacija“ d.o.o. Zenica, u skladu sa Pravilnikom o postupku prodaje pokretnih stvari putem licitacije Javnog preduzeća „Vodovod i kanalizacija“ d.o.o. Zenica, broj: 101- 13782/23AB od 29.11.2023.godine, te uzimajući u obzir Izvještaj Komisije za provođenje licitacije, broj: 403-1380/25MS od 31.01.2025.godine, direktor JP „ViK“ d.o.o. Zenica, donosi

O D L U K U

o usvajanju Izvještaja i preporuke, broj: 403-1380/25MS od 31.01.2025.godine

I

Usvaja se Izvještaj i preporuka Komisije za provođenje licitacije, broj: 403-1380/25MS od 31.01.2025.godine za prodaju teretnog vozila VW CADDY 2K i istovremeno se poništavaju radnje provedene u predmetnom postupku koje su poduzete nakon otvaranja ponuda i javnog čitanja ponuđenih cijena.

II

Utvrđuje se novi termin za nastavak licitiranja u predmetnom postupku, i to za dan 10.02.2025.godine sa početkom u 12:00 sati u prostorijama JP „ViK“ d.o.o. Zenica, na adresi Bistua Nuova br.17, Zenica.

III

Zadužuje se Komisija za provođenje licitacije da na odgovarajući način obavijesti ponuđače koji su uzeli učešće u predmetnom postupku o novom terminu održavanja licitacije definisanom u članu II ove Odluke.

IV

Nakon okončanja postupka licitacije Komisija je dužna direktoru preduzeća dostaviti izvještaj i preporuku, u vezi s rezultatima provedene licitacije.

V

Ova Odluka stupa na snagu danom donošenja.

Obrazloženje

Dana, 10.01.2025.godine, direktor preduzeća je objavio drugu Javnu licitaciju za prodaju otpisanih stalnih sredstava JP „ViK“ d.o.o. Zenica, broj:101-21-1/25AB od 08.01.2025.godine, i ista je objavljena na web stranici Grada Zenica i web stranici Preduzeća. Predmetnom drugom Javnom licitacijom je ponuđena prodaja sljedećih vozila: tereno vozilo VW CADDY 2K, teretno vozilo VW CRAFTER 30 i teretno vozilo RENAULT CLIO bb furgon.

Na osnovu rješenja broj: 101-21-2/25 od 08.01.2025. godine i izmjene Rješenja broj: 101-21-3/25AB od 30.01.2025. godine, direktor Javnog preduzeća „Vodovod i kanalizacija“ d.o.o. Zenica je imenovao Komisiju za provođenje licitacije, u sastavu kako slijedi:

1. Salkić Mubina, predsjednik
2. Mulahalilović Haris, član
3. Sivac Samra, član.

U tekstu objavljene javne licitacije propisano je da zainteresovani ponuđači svoje ponude mogu dostaviti do 30.01.2025.godine do 12:00h na protokol JP „ViK“ d.o.o. Zenica.

Na protokol JP „ViK“ d.o.o. Zenica su, za postupak prodaje teretnog vozila VW Caddy 2K, zaključno sa 30.01.2025.godine, zaprimljene ukupno 23 ponude.

Dana, 30.01.2025.godine u prisustvu ponuđača Komisija je otvorila pristigle ponude, i konstatovala da su sve prijave formalno pravno ispravne, te u skladu s Pravilnikom o postupku prodaje pokretnih stvari putem licitacije Javnog preduzeća „Vodovod i kanalizacija“ d.o.o. Zenica, broj: 101- 13782/23AB od 29.11.2023.godine započela postupak licitacije.

Komisija je upoznala prisutne o načinu provođenja licitacije, u okviru čega su prisutni bili upoznati s rasponima propisanim za promjenu cijena prilikom licitiranja i to procentualno od 1-10% od najveće aktuelne cijene. Također su upoznati da je za konkretnu licitaciju čija je početna cijena 1.600,00KM propisan procenat od 3% u odnosu na najvišu aktuelnu cijenu.

Komisija je javno pročitala početnu cijenu utvrđenu Javnom licitacijom, nakon čega je evidentirala i pročitala početne ponuđene cijene, kako slijedi:

Redni broj	Naziv ponuđača	Početna cijena ponude bez PDV-a (u KM)
1	Ganibegović Muhamed	2.550,00
2	Kulačić Mirsad	1.650,00
3	Kasapović Besim	2.509,00
4	Jadran-com d.o.o.	1.622,00
5	Adnan Čakal	1.609,00
6	Aleksandar Živanović	1.620,00
7	Simo Živanović	1.624,00
8	AN KOMERC	1.623,00
9	Spahić Elmin	1.650,00
10	Dejan Jović	1.755,00
11	Halilčević Narcisa	1.606,00
12	Halilčević Ademir	1.605,00
13	Ibrahimović Ibrahim	1.610,00
14	Ibrahimović Ismir	1.605,00
15	Vuleta Branko	1.600,00
16	Budiša Milenko	1.600,00
17	Gibanica Mustafa	1.605,00
18	Granulo Adis	1.610,00
19	Mičić Gordana	1.600,00
20	Bajrić Amar	1.601,00
21	Mičić Veljko	1.600,00
22	Giba-trade d.o.o.	1.607,00
23	Radanović Nikola	1.600,00

Licitacija je započela najvećom ponuđenom cijenom ponuđača Ganibegović Muhameda u iznosu od 2.550,00KM. Ponuđač „Giba-trade“ d.o.o. je licitirao iznos od 2.626,50KM što je 3% u odnosu na najveću prvobitno ponuđenu cijenu. Nadalje, ponuđač Ibrahimović Ismir je licitirao iznos od 6.000,00KM što predstavlja 128,44% u odnosu na najveću aktuelnu ponuđenu cijenu. Ostali ponuđači nakon takve ponuđene cijene nisu imali primjedbi na ponuđenu cijenu, niti su dalje licitirali, a Komisija je ponuđenu cijenu Ibrahimović Ismira prihvatila i zatvorila licitaciju.

Komisija je, radi pripreme izvještaja i davanja preporuke direktoru preduzeća, izvršila ponovni uvid u cjelokupnu dokumentaciju. Također je izvršen uvid u važeći Pravilnik o postupku prodaje pokretnih stvari putem licitacije Javnog preduzeća „Vodovod i kanalizacija“ d.o.o. Zenica, broj: 101- 13782/23AB od 29.11.2023.godine (u daljem tekstu: Pravilnik) kojim je, između ostalog, propisana organizacija i postupak javnog nadmetanja-prodaje pokretnih stvari u JP „ViK“ d.o.o. Zenica. Konkretno, članom 12. Pravilnika utvrđeno je da je svako povećanje

cijena u toku provođenja postupka licitacije moguće u rasponu od 1% do 10% najviše aktuelne ponuđene cijene. Procent povećanja cijena u rasponu iz prethodnog stava utvrđuje predsjednik komisije prije početka postupka licitacije – i to prema sljedećim kriterijima:

- ukoliko je početna cijena predmetne prodaje do 100KM procent povećanja cijene utvrđuje se u procentu od 10% u odnosu na najvišu aktuelnu ponuđenu cijenu,
- ukoliko je početna cijena predmetne prodaje od 100KM do 1000KM procent povećanja cijene utvrđuje se u procentu od 7% u odnosu na najvišu aktuelnu ponuđenu cijenu,
- ukoliko je početna cijena predmetne prodaje od 1000KM do 5000KM procent povećanja cijene utvrđuje se u procentu od 3% u odnosu na najvišu aktuelnu ponuđenu cijenu,
- ukoliko je početna cijena predmetne prodaje preko 5000KM procent povećanja cijene utvrđuje se u procentu od 1% u odnosu na najvišu aktuelnu ponuđenu cijenu.

Obzirom da je početna cijena za teretno vozilo VW CADDY 2K utvrđena u iznosu od 1.600,00KM, u postupku je minimalni iznos prilikom povećanja svake navedene cijene mogao iznositi 3% u odnosu na najvišu aktuelnu ponuđenu cijenu.

Imajući u vidu da je ponuđač Ibrahimović Ismir ponudio cijenu koja premašuje propisani procenat od 3%, time je prilikom provođenja licitacije postupljeno suprotno članu 12. Pravilnika, zbog čega se predmetni postupak licitacije ne može okončati zaključenjem ugovora, kako je to pogrešno Komisija smatrala ispravnim, postupajući s pažnom dobrog domaćina, u kontekstu postizanja što većeg mogućeg iznosa kupoprodajne cijene za predmetno vozilo.

Ponovnom analizom dostavljenih ponuda, kao i analizom važećih propisa Komisija ispravno zaključuje da se na osnovu naprijed opisanog postupka ne može zakonito zaključiti ugovor o kupoprodaji predmetnog teretnog vozila, te daje preporuku da se poništi dio druge javne licitacije koji nije u skladu s Pravilnikom, odnosno da se ponište radnje provedene u predmetnom postupku koje su poduzete nakon otvaranja ponuda i javnog čitanja ponuđenih cijena.

Shodno svemu naprijed navedenom, a uzimajući u obzir odredbe Pravilnika o postupku prodaje pokretnih stvari putem licitacije Javnog preduzeća „Vodovod i kanalizacija“ d.o.o. Zenica, direktor je odlučio kao u dispozitivu ove Odluke.



DIREKTOR

Emir Pašalić
Pašalić Emir, dipl.ing.grad.

DOSTAVLJENO:

- 1 x Svim ponuđačima
- 1 x Direktor preduzeća
- 1 x Pom.dir. za ekonomske i pravne poslove
- 1 x Komsija za provođenje licitacije
- 1 x Služba za kadrovske i opšte poslove
- 1 x a/a